

Broj: 09-11-4-756-9/26
Datum: 05.05.2026. godine

Na osnovu člana 70. stav (1) i (4), a u vezi sa članom 69. stav (2) tačka d) Zakona o javnim nabavkama („Službeni glasnik BiH”, br. 39/14, 59/22 i 50/24), a na preporuku Komisije za javnu nabavku, broj: 09-11-4-756-8/26 od 05.05.2026. godine, imenovane Rješenjem broj: 09-11-4-756-3/26 od 23.04.2026. godine, federalni ministar raseljenih osoba i izbjeglica, **donosi**

ODLUKU O PONIŠTENJU POSTUPKA JAVNE NABAVKE

I

Poništava se otvoreni postupak javne nabavke usluga – Organizovanje programa obuke mladih u povratničkim sredinama iz oblasti IT i digitalizacije, koji se finansira iz sredstava Budžeta Federacije Bosne i Hercegovine, razdjel 53, ekonomski kod 6134, iz razloga što nijedna od zaprimljenih ponuda nije prihvatljiva, u skladu sa članom 69. stav (2) tačka d) Zakona o javnim nabavkama („Službeni glasnik BiH”, br. 39/14, 59/22 i 50/24).

II

Ova Odluka stupa na snagu danom donošenja i objavit će se na internet stranici Ministarstva, u skladu sa članom 70. stav (6) Zakona o javnim nabavkama („Službeni glasnik BiH”, br. 39/14, 59/22 i 50/24).

Obrazloženje

Postupak javne nabavke pokrenut je Odlukom o pokretanju postupka, broj: 09-11-4-756/26 od 06.04.2026. godine kojom je Ugovorni organ odobrio provođenje otvorenog postupka za dostavu ponuda za nabavku usluga – Organizovanje programa obuke mladih u povratničkim sredinama iz oblasti IT i digitalizacije.

Procijenjena vrijednost nabavke iznosila je 200.000,00 KM, bez uračunatog PDV-a, planirana Planom javnih Federalnog ministarstva raseljenih osoba i izbjeglica za 2026. godinu, dio II – Usluge, redni broj 2, JRN oznaka predmeta nabavke 80530000-8 (usluge stručnog usavršavanja), razdjel 53, ekonomski kod 6134.

Obavještenje o nabavci, broj: 668-1-2-27-3-36/26 objavljeno je na Portalu e-Nabavke dana 08.04.2026. godine, sa Sažetak obavještenja objavljen je u „Službenom glasniku BiH”, broj 26/26.

Rješenjem federalnog ministra, broj: 09-11-4-756-3/26 od 23.04.2026. godine imenovana je Komisija za javnu nabavku.

Tenderskom dokumentacijom je predviđeno zaključivanje Ugovora sa jednim ponuđačem do realizacije predmeta nabavke, kao i provođenje e-aukcije u skladu sa Pravilnikom o uslovima i načinu korištenja e-aukcije („Službeni glasnik BiH”, broj: 80/23).

Komisija za javnu nabavku je dana 29.04.2026. godine u 10:05 sati izvršila preuzimanje pristiglih ponuda, kojom prilikom je konstatovano da su tendersku dokumentaciju preuzela 33 pravna lica, a 1 (jedan) ponuđač je dostavio blagovremenu ponudu i to ponuđač: „CTECH” d.o.o. Sarajevo, sa sjedištem u ulici Hrustenpašina br. 1, Sarajevo. Neblagovremenih ponuda nije bilo.

Zapisnik o zaprimanju i zapisnik o otvaranju ponuda proslijeđen je ponuđaču dana 29.04.2026. godine.

Komisija za javnu nabavku je dana 05.05.2026. godine izvršila pregled i ocjenu pristigle ponude, nakon čega je utvrdila da ponuda ponuđača „CTECH” d.o.o. Sarajevo nije prihvatljiva, jer ne sadrži sve obavezne elemente propisane tenderskom dokumentacijom.

Naime, ponuđač „CTECH” d.o.o. Sarajevu u dostavljenoj ponudi nije dostavio:

- Aneks 4 – Obrazac povjerljivih informacija, i
- Aneks 10 – Obrazac izjave o podugovaranju.

Navedeni dokumenti su, u skladu sa tačkom 8.2.1. tenderske dokumentacije, obavezni sastavni dijelovi ponude. Njihovo nedostavljanje predstavlja nedostatak koji utiče na formalnu ispravnost ponude i onemogućava njenu dalju evaluaciju. Bez dostavljenih obrazaca Ugovorni organ ne može utvrditi postojanje povjerljivih informacija, niti eventualno angažovanje podugovarača.

Tokom postupka nije bilo zahtjeva za pojašnjenjem ponude, niti pojašnjenja tenderske dokumentacije.

Cijeneći sve naprijed navedeno, konstatuje se da je Komisija za javnu nabavku izvršila pregled i ocjenu ponude na pravilan, potpun i zakonit način, u skladu sa odredbama Zakona o javnim nabavkama („Službeni glasnik BiH”, br. 39/14, 59/22 i 50/24), podzakonskim aktima i zahtjevima iz tenderske dokumentacije, te da je pravilno utvrdila činjenično stanje.

Uzimajući u obzir da je u predmetnom postupku zaprimljena jedna ponuda koja je ocijenjena kao neprihvatljiva, te prihvatajući preporuku Komisije za javnu nabavku od 05.05.2026. godine, Ugovorni organ je, primjenom člana 69. stav (2) tačka d) Zakona o javnim nabavkama („Službeni glasnik BiH”, br. 39/14, 59/22 i 50/24), donio Odluku o poništenju postupka, kako je navedeno u dispozitivu ove odluke.

Pouka o pravnom lijeku

U skladu sa članom 101. stav (1) tačka d) Zakona o javnim nabavkama („Službeni glasnik BiH”, br. 39/14, 59/22 i 50/24) protiv ove Odluke ponuđač može izjaviti žalbu u roku od 10 (deset) dana od dana prijema iste. Žalba se izjavljuje Uredu za razmatranje žalbi Bosne i Hercegovine, putem Ugovornog organa Federalnog ministarstva raseljenih osoba i izbjeglica u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.

MINISTAR

Nerin Dizdar

Dostaviti:

1. Ponuđaču u postupku
2. Komisiji za javne nabavke
3. Služba za pravne, personalne i poslove javnih nabavki
4. Arhiva